

Halltõs e'tkkad reaugte'mesvuõttlää'jj, reaugte'mesvuõttouddõõzzi teaggtõõzzâst uvddum lää'jj da reaugte'mesvuõttkä'snnlää'jj kõskkpoddsaz mu'ttem

**E'tkkõõzz täävtõssân lij nââneed reaugte'mesvuõttstaan taarbseei oummi tällõõzzlaz sââ'j koronavirusep-
idemia šõõddtem vai'ggeställõsvue'jjest.**

Tuâjju'vddi lie jouddâm šitteen tuâimm'mõõžžâz, ko koronavirusepidemia lij šõõddtam kõõjjõõzz huânnummuž. Halltõs e'tkkad, što tuâjjlai pîr'gğummuž nââneet vue'jjest, ko'st mänggaz lie jouddâm reaugte'mmen le'be luämmõttum.

E'tkkõõzzâst e'tkķeet, što kõskkäiggsânji muu'ttet reaugte'mesvuõttlää'jj, reaugte'mesvuõttouddõõzzi teaggtõõzzâst uvddum lää'jj da reaugte'mesvuõttkä'snnlää'jj.

Halltõõzz e'tkkõõzzâst e'tkķeet:

- Reaugte'mesvuõttstaan ä'lggem oudldeei viid peei'v jiõččvasttõsääi'j väaldčeš meädda. Tät kuõskči tiânâspei'vvtie'gğ, vuâđđpei'vvtie'gğ da reaugmarkkântuärjjõõzz. Tuärjjõõzz täin peei'vin teaggteči riikk.
- Pä'lkķvuäžžai reaugastâarram-mäain vuä'ne'češ. Reaugastâarram-mäinn lij oudldõs reaugte'mesvuõttpei'vvtie'gğ vuäžžma. Pä'lkķvuäžžji reaugastâarram-mäinn le'čči 13 ka'Indarneä'ttled, ko tõt ää'n lij 26 ka'Indarneä'ttled. Põõrgâsnee'kkij-vuä'msteei piârni'kkin reaugastâarram-mäinn le'čči 26 ka'Indarneä'ttled, ko tõt ää'n lij 52 ka'Indarneä'ttled.
- Reaugte'mesvuõttpei'vvtie'gğ, koon määu'set luämmâttmõõžž vuâđald, ij tiudče reaugte'mesvuõttpei'vvtie'gğ jäänmõsmä'hssemääi'j. Muuttâs pue're'či-i staan, jõs reaugte'mesvuõtt peeštči kuu'kkab ääi'j. "Vie'lt'te'mes rää'jtemtuâimi tällõõzzlaz da sosiaal'laz häi'ttvaaiktõõzzid lij vääžnai pâ'stted kie'ppeed veiddsõs kuânsttvaalljstõõggin. Tuâjjlai, kook lie jouddâm luämmõttum le'be reaugte'mmen, tällõõzzlaz staan nââneet ää'n vue'ssen halltõõzz vuõssmõs tuâimmobvuõđ", so-siaal- da tiõrvâsvuõttminister Aino-Kaisa Pekonen ceälkk.

Lää'jj puäđče viõ'kķe samai sõõrgab da le'čče viõggâst 6.7.2020 räija. Muttsid suävde'češ mäâikiõ'tte 16.3.2020 ää'ljee'l.

E'tkkõs õhttan ee'jj 2020 lââ'sstäällarvvlõse'tkkõ'sse da lij jurddum, što e'tkkõõzz kiõtt'tõõlât lââ'sstäällarvvlõse'tkkõõzz õhttvuõđâst.

E'tkkõõzz valmštõõllmõõžž paaldâst lie se'lvtam reaugte'mesvuõttstaan jee'res mäâinai vue'zzeld vuei'ttemvuõđ sojlvâ'tted ouddõõzzi mä'hssem. Se'lvtemtuâjj juätkkai kirrsallaš tuâjjan.

Lââ'ssteâđ: Marjaana Maisonlahti, halltõsduumšek